

## MANUSIA PERLU BERSYUKUR

Rujukan Buku Teks: M.S. 1 – 10



- **Ayat Bacaan:** Ayat 1 – 35 • **Ayat Pemahaman:** Ayat 6

أَلَمْ يَرَوْا كَمَا أَهْلَكْنَا مِنْ قَبْلِهِمْ مَن قَرْنٍ مَّكَّنَّهِمْ فِي الْأَرْضِ مَا لَمْ يُمَكِّنْ لَكُمْ وَأَرْسَلْنَا السَّمَاءَ عَلَيْهِمْ مِدْرَارًا وَجَعَلْنَا الْأَنْهَارَ تَجْرِي مِنْ تَحْتِهِمْ فَأَهْلَكْنَاهُمْ بِذُنُوبِهِمْ وَأَنْشَأْنَا مِنْ بَعْدِهِمْ قَرْنًا آخَرِينَ ﴿٦﴾

(سورة الأنعام: 6)

**Maksudnya:** Tidakkah mereka memerhati dan memikirkan berapa banyak umat yang telah Kami binasakan sebelum mereka, padahal (umat-umat itu) telah Kami teguhkan kedudukan mereka di bumi (dengan kekuasaan dan kemewahan) yang tidak Kami berikan kepada kamu, dan Kami turunkan hujan ke atas mereka dengan lebatnya, dan Kami jadikan sungai-sungai mengalir di bawah mereka, kemudian Kami binasakan mereka dengan sebab dosa mereka sendiri, dan Kami ciptakan sesudah mereka, umat yang lain.

### FAKTA UTAMA

- Allah SWT telah melantik manusia sebagai **khalifah** di muka bumi dengan mengurniakan pelbagai nikmat kepada manusia.
- Antara nikmat kurniaan Allah SWT kepada manusia ialah:
  - nikmat Islam dan iman;
  - kesihatan tubuh badan;
  - akal fikiran yang baik;
  - keamanan dan kemakmuran negara.
- Umat Islam hendaklah menyedari bahawa semua nikmat yang dikecapi di dunia ini adalah pemberian Allah SWT yang **wajib** disyukuri sama ada melalui hati, lidah, dan **perbuatan**.
- Sebab Allah SWT telah **membinasakan** kaum Nabi-nabi yang terdahulu ialah:
  - mengingkari perintah Allah SWT dan rasul dengan melakukan dosa dan maksiat;
  - tidak mahu mensyukuri nikmat kurniaan Allah SWT kepada mereka;
  - menyalahgunakan nikmat Allah SWT dengan melakukan perbuatan keji.
- Bentuk balasan** umat Nabi-nabi yang terdahulu yang telah dibinasakan:
  - Tanggungjawab manusia sebagai khalifah Allah SWT:
    - melaksanakan perintah Allah SWT dengan beribadat kepada-Nya;
    - memelihara dan menegakkan agama Allah SWT;
    - membangun, mengurus, dan memakmurkan manusia dan alam dengan baik;
    - sentiasa mensyukuri nikmat dan kurniaan pemberian Allah SWT.

Kaum	Bentuk Balasan
Kaum 'Ad	Dibinasakan dengan angin puting-beliung yang memusnahkan diri dan harta.
Kaum Tsamud	Dibinasakan dengan halilintar yang kuat dan gempa bumi yang dahsyat.
Kaum Lut	Dibinasakan dengan menterbalikkan negeri mereka.

#### Pengajaran Ayat

- Manusia hendaklah bersyukur dengan segala nikmat kurniaan Allah SWT.
- Orang yang tidak bersyukur akan mendapat balasan azab daripada Allah SWT.
- Allah SWT telah membinasakan umat terdahulu kerana kekufuran dan keingkaran mereka terhadapnya.
- Kita hendaklah mentadbir alam ini dengan sebaik-baiknya berlandaskan syariat Allah SWT.